

ՍԱՅԱԹ-ՆՈՎԱՅԻ
ԿՅԱՆՔԻ ՀԱՂԲԱՏՅԱՆ ՇՐՋԱՆԻ ՄԱՍԻՆ

Շ. Ս. ԳՐԻԳՈՐՅԱՆ

«Պատմա-բանասիրական հանդես»-ի 1969 թ. № 3-ում բանասեր Պ. Հակոբյանը հրապարակել է մի հոդված «Սայաթ-նովայի՝ Հաղբատի վանքում լինելու հարցի շուրջը» վերտառությամբ, որում փորձում է ապացուցել, թե «բացառությամբ մի վեցամյա շրջանի», Սայաթ-նովան չի եղել և չէր կարող լինել Հաղբատում, որովհետև սկսած 1740-ական թվականներից ընդհուպ մինչև դարավերջը Հաղբատի վանքը անմարդաբնակ է եղել, դատարկ ու ավեր։ Հայտնի է, որ մասնագետներից ոչ մեկը անվերապահորեն չի պնդել Սայաթ-նովայի հաղբատաբնակ լինելը։ Ախվերդյանն անգամ, որ այդ տեսության հիմնադիրն է, թիականորեն էր խոսում այդ մասին։

Ժողովրդական ավանդություններից և այն մեծ մի հատիկ Լրկտողից դուրս թե՛

Հաղբատու լուսարար Սայաթ-նովեն իմ,

Մե կանթեղիս վառելու ձեթ շունիմ.

տողեր, որոնց Սայաթ-նովային պատկանելն անգամ ավանդաբար է մեզ հասել, այլ իրեղեն ապացույցներ չունենք Սայաթ-նովայի Հաղբատի վանքում եղած լինելու վերաբերյալ։

Ծիշտ է, բանաստեղծի մայրը սանահանցի էր, Կախի վանքում պաշտոնավարելուց ու իր կողակցին կորցնելուց հետո կյանքից, մարդկանցից «բեղաբաժ» աշուղի համար հարմուր կլինե՞ր Հաղբատի մենաստանը, բայց առայժմ չկան և այլևս հաղիվ թե գտնվեն այդ բանը հաստատող ուղղակի վկայություններ։

Սայաթ-նովայի կյանքի հաղբատյան շրջանն, այսպիսով, ոչ թե իսկություն է. այլ խիստ հավանական, անմարտությանը մոտեցող ենթադրություն է։ Այստեղից էլ՝ Սայաթ-նովային նվիրված գեղարվեստական ստեղծագործություններում (վեպ, կինոսցենար, լիբրետտո), ինչպես և հասարակական լայն շրջաններում տարածում գտած տեսակետը Սայաթ-նովայի կյանքի հաղբատյան շրջանի վերաբերյալ։

Խ. Արովյանի կենսագրության ուսումնասիրության առիթով կատարած բանասիրական որոնումների ընթացքում Պ. Հակոբյանը ծանոթանում է հանգուցյալ բանասեր Համազասպ Ոսկյանի՝ տարիներ առաջ հրատարակված «Պատմություն հուշակալոր վանից Հաղբատայ Ս. Նշանին» գրքին և, ամենեին հաշվի չնստելով վերոհիշյալի հետ, Սայաթ-նովային նախ անվերապահ հաղբատաբնակ է համարում և ապա ձեռնամուխ լինում դրա հերքմանը։ Մինչդեռ ապացուցելուց առաջ, թե նա չի եղել Հաղբատում, պետք է ապացուցել եղած լինելը, որ, ինչպես ասացինք, միայն հավանական ենթադրություն է։ Ինչ վերաբերում է հերքմանը, այնքան թույլ և այնքան խախուտ են Պ. Հակոբյանի

փաստաբանները, որ դրանց հերքման համար առանձին ջանք գործադրելու հարկ չկա:

Պ. Հակոբյանը գրում է. «Բազմավաստակ Ախվերդյանից սկսած մինչև քանասեր-պատմաբան Մորուս Հասրաթյանը և ավելի նորերը, շուրջ 120 տարի, գրել ու պնդել են, թե Սայաթ-Նովայի կյանքի վերջին քսանհինգ տարիներն անցել են Հաղբատի վանքում, աբեղայական սքեմի տակ, հավատացել ու կրկնել են, թե Սայաթ-Նովան եղել է Հաղբատի վանքի լուսարարը և այլն» (էջ 209): Նրա կարծիքով «Ղրիմեցու գիրքը բոլորովին ուրիշ բան է ասում Հաղբատի հենց այդ քսանհինգ տարիների իրավիճակի մասին: Պարզվում է, որ 1740-ական թթ. սկսած, ընդհուպ մինչև դարավերջ, բացառությամբ մի վեցամյա շրջանի, Հաղբատի վանքը անմարդաբնակ է եղել, դատարկ ու ավեր, այնքան, որ պատերի վրա խտորեն թփեր են աճել: Իսկ մի վանքում, որի կամարների տակ ոչ միայն եկեղեցական արարողություն չի կատարվել, այլև մարդ-էակ իսկ չի շարժվել, անհնար բան է, որ քսանհինգ տարի շարունակ Սայաթ-Նովան լուսարարություն աներ» (էջ 209—210):

Արդ տեսնենք, թե ի՞նչ կովաններ ունի Պ. Հակոբյանը: Ինչպե՞ս է նա ապացույցում նախ՝ Հաղբատի ավեր ու անմարդաբնակ լինելը և ապա՝ նույն այդ պատճառով Սայաթ-Նովայի Հաղբատում չլինելը:

Նա գրում է, որ իրեն այդ համոզման է բերել Հովհաննես Ղրիմեցու¹ աշխատությունը: «Գրքի ընթերցանությունը թեպետ այդ առումով ոչինչ չտվեց,— գրում է Հակոբյանը,— բայց ընձեռեց մի քանի անուղղակի վկայություններ, բրոնք, կարծում ենք, բանալի են տալիս լուծելու Սայաթ-Նովայի կենսագրության հաղբատյան առեղծվածը» (էջ 209): Ու անցնում է առեղծվածի «լուծմանը»: Հիշատակում է Հովհ. Ղրիմեցու վկայությունն այն մասին, որ Նադիր-շահի սպանությունից հետո (որը տեղի է ունեցել, ի միջի այլոց, ոչ թե 1749 թ., ինչպես նշում է Պ. Հակոբյանը, այլ՝ 1747 թ.) Հաղբատի գլխին բաղում փորձություններ եկան հատկապես լեզգիների սփռած ասպատակությունների հետևանքով:

Իսկապես որ, Նադիր-շահի մահվանից հետո Կովկասը ալեկոծումների մեջ էր, և ամեն տարի, իսկ երբեմն էլ տարին մեկ-երկու անգամ կրկնվող թուրք հրուակների ու լեզգիների արշավանքները խանգարել էին ժողովրդի անդորրը: Ձի կարելի չհավատալ Ղրիմեցուն, և նա իրոք նշում է, որ Հաղբատի երեք առաջնորդները՝ Գրիգորը, Զաքարիան և Ռեթեոսը շուրջ 30 տարի, հարկադրված, Հաղբատից տեղափոխվել ու նստում էին Թիֆլիսում:

Այո, բայց ե՞րբ՝ 1747—1777 թթ.: Իսկ մեր ինչին են պետք այս թվականները: Ձե՞ր ուր րոտ ավանդության Սայաթ-Նովան Հաղբատում եղել է դրանից հետո՝ 1770—1795 թթ. մեջ: Ընդ որում, ասենք, որ այս թվականներն էլ, մանավանդ առաջինը՝ 1770, կայուն չէ: Ոչ ոք մինչև օրս հիմնորեն չի ղրաղվել այս հարցով: Հրապարակի վրա են Դ. Ախվերդյանի և Մ. Հասրաթյանի կարծիքները: «Սայաթ-Նովայի վանական կյանքի վրա շուրջ մի քանի տեղեկություն»,— գրում է Ախվերդյանը գրքի առաջաբանում, իսկ ավելի կոնկրետ ասում է. «Երբեք չենք կարող հաշվել Սայաթ-Նովու կրոնավորվելն էս ժամանակից առաջ (նկատի ունի կնոջ մահվան թվականը՝ 1768—Շ. Դ.). թե մի եր-

¹ Եփովհաննես Ղրիմեցույ Պատմութիւն հուշակաւոր վանից Հաղբատայ Ս. Նշանինս, Վիեննա, 1965:

կու տարի էլ հետ չսկսեք ու ընդունենք 1770-ն, հայնժամ մեր կրդիչն կրոնավորվելիւ՝ էլիկ պիտի ըլի 58 տարեկան»։ Նույնն է ասում և Մ. Հասրաթյանը. «Կնոջ մահից մի քանի տարի հետո, կրեի 1770-ական թվականներին, Սայաթ-Նովա տեր-Ստեփանոս քահանային վանականի (վարդապետի) աստիճան են շնորհում և փոխադրում իր հայրենի Հաղբատի վանքը...»²։ Այս բոլորը ենթադրություններ են՝ այն էլ մոտավոր։

Հայտնին և հավաստին այն է միայն, որ կնոջ մահվանից հետո չգիտենք, թե ինչ է եղել Սայաթ-Նովան։

Մեր կարծիքով Իոհան Բագրատիոնի «Կալմասոբայում» հիշատակված հեղաշփյուռ և Սայաթ-Նովայի հանդիպումը ավելի հավանական, մինչև իսկ ճշմարտության է մոտեցնում այդ ենթադրությունը։ Այս մասին ավելի հանգամանորեն՝ քիչ հետո։

Պատմական այն շրջանը, որ Հ. Ղրիմեցու վրա հենվելով փորձում է մերժել Պ. Հակոբյանը, կրկնում ենք, ո՛չ մի կապ չունի Սայաթ-Նովայի Հաղբատում նդած միջոցի հետ և այդ մասին պետք է խոսել որպես անկախ իրողության։ Սկսելով համար դեռ իսկապես ճշմարտություն է դա, թե մեր պատմիչին և աշխարհի բոլոր պատմիչներին հատուկ չափազանցություն կամ գույների թանձրացում։

Հաղբատը, առավել ևս Հաղբատավանքը, նույնիսկ նախասայաթնոյան շրջանում այնպես կործանված ու ամայի չի եղել, ինչպես Պ. Հակոբյանն է կարծում։ Եւ Հնարավոր է, իհարկե, որ լեզգիների անընդմեջ հարձակումների հետևանքով Հաղբատի առաջնորդները հիշյալ 30 տարիների ընթացքում (1747—1777 թթ.) հարկադրված լինեին Թիֆլիսում նստելու, ուր նրանք կարող էին լինել ու լինում էին ցանկացած ժամանակ, անկախ երկրի քաղաքական վիճակից։ Չէ՞ որ թևում կոչվում էր Հաղբատի և Թիֆլիսի թեմ. առաջնորդներն էլ ուր կամենում, այնտեղ նստում էին։ Բայց առաջնորդների Թիֆլիս տեղափոխվելը Հաղբատավանքի գործունեության վրա չէր կարող ազդել, ինչպես որ լեզգիների ձեռքից տնավեր եղած հաղբատցիների փախուստը, որ կարող էր ամիսներ տևել, իսկ որոշ դեպքում նաև մեկ-երկու տարի, չի նշանակում, թե գյուղը կործանվել էր։

Թուրքերը և լեզգիները սրբնթաց գալիս անցնում էին՝ ճանապարհին պատահածը խալանկելով, հալվազյուտ դեպքում հաստատվելով որոշ տեղերում մեկ-երկու օրով կամ շաբաթով։ Ի՞նչ հարկ ունեին նրանք և ինչպե՞ս կարող էին և նաև ի՞նչ միջոցներով քանդելու գյուղերն այնպես, որ այլևս այնտեղ մարդիկ բնակվել չկարողանային։

Եվ այդ ի՞նչ նպատակով պիտի արվեր, և ե՞րբ է նման բան արվել առհասարակ։ «Թուրքերը, միանալով լեզգիների հետ,— գրում է Ն. Դուբրովինը,— 300-ից մինչև 700 հոգիանոց խմբերով ասպատակություններ էին անում Քուռ գետի երկու ափերի շրջանում, հափշտակում էին անասունները, կողոպտում բնակիչներին ունեցվածքը և գերեվարում նրանց»։ Նրանց նպատակն էր սնանկացնել Վրաստանը, թույլ չտալ, որ նա ապավեն դառնա Ռուսաստանին՝ Կով-

² «Սայաթ-Նովա, Հայերեն, վրացերեն, ադրբեջաներեն խաղերի ժողովածու», Երևան, 1963, Առաջարան, էջ 33։

³ Н. Дубровин, История войны и владычества русских на Кавказе, том. II СПб, 1886, էջ 144։

7 Հանդես, № 3

կասք նվաճելու համար: Ավելին, Օմարը հայտարարում էր, թե նա պատրաստ է հաշտություն կնքելու Հերակլի հետ, «եթե Հերակլը փոխի իր վերաբերմունքը նրա նկատմամբ»: Օմարն իհարկե ստում էր: Հերակլին ուղղած մի նամակում լեզգիների առաջնորդը գրում էր. «Մենք ապրում ենք Դաղստանում, այս երկրի ուժը ձեզ բավական հայտնի է, և մենք զորքերով Վրաստան ենք մտել, որպեսզի կռվենք, ավար ձեռք բերենք և ոչ թե բազմապատկենք մեր փառքը»⁴: Լոռվա բերդի և Վախանի ամրոցի գրավման համար Օմարն, այո, ահագին վառոդ փչացրեց, որովհետև բերդերում ամրացած բնակչությունը համառ դիմադրություն էր ցույց տալիս:

Հաղթատավանքում լեզգիներին հետաքրքրելու էր նյութական հարստությունը: Ինչպես քիչ հետո կտեսնենք, վանքի գրավման ժամանակ նրանք անգամ ձեռք չէին տվել մատենադարանի ձեռագրերին: Միանգամայն ավելորդ պիտի լիներ հրանոթի փողն ուղղել վանքի կողմը և այնքան դժվարություններ ձեռք բերած վառոդը ծախսել էֆեկտի համար: Ոչ էլ կարիք կար մարդկանց տները բարությանդ անել: Այդ իրենք, բնակիչներն էին, որ լեզգիների հարձակման լուրն առնելով, թողնում էին տուն-տեղ ու փախչում լեռները: Դյուղը մնում էր անտեր մեկ-երկու օրով, իսկ երբեմն էլ՝ շաբաթներով ու ամիսներով, բայց ոչ ավելի: Եթե լինում էին քոչողներ էլ, ապա մեկ-երկու, տասը-քսան ընտանիք, ինչպես միշտ նման բաներ կարող էին լինել՝ դարձյալ անկախ երկրի քաղաքական վիճակից:

Որ հիշյալ 30 տարիների մեջ Հաղբատն իրոք բնակելի է եղել, կյանքը չի գաղարվ աշնտեղ, ցույց են տալիս, ի վերջո, հետևյալ փաստերը:

Ամենից առաջ կա իրեղեն ապացույց: Պ. Հակոբյանը գրում է: «1740-ական թվականներից սկսած, ընդհուպ մինչև դարեվերջ... Հաղբատի վանքը անմարդաբնակ է եղել, դատարկ ու ավեր...», մինչդեռ 1751 թ., այսինքն՝ 40-ական թթ. մի ողջ տասնամյակ հետո, Հաղբատի Ս. Նշան մայր եկեղեցու զանգակատան մոտ՝ հյուսիս-արևելյան պատի տակ, հաղբատցիք ամփոփում են շնուղցի Պետրոս վարդապետի աճյունը ու վրան, հավանաբար մեկ-երկու տարի հետո (ինչպես սովորաբար լինում է)՝ դնում են այն տապանաքարը, որի լուսանկարը կարելի է գտնել Կ. Ղաֆաղարյանի «Հաղբատ» ուսումնասիրության 256-րդ էջում, իսկ բուն շիրմաքարը՝ տեղում՝ վրան փորագրված «թվին ՌՄ»: Ինչպես գիտենք, Հաղբատը գտնվում է բարձր ու անառիկ սարերի վրա, ուր հիմա ավտոմեքենան ոլորապտույտ բարձրանում է հազիվ կես ժամում: Մերձակա պուղոբ շկան: Ո՞վ, ինչպե՞ս ու ինչո՞ւ իր մեռելը պիտի բերեր այստեղ թաղելու, և ո՞վ պիտի տաշեր որձաքարից պատրաստած այն մահարձանը, որի վրա այժմ կարդում ենք՝

Արձան՝ այս Պետրոս վարդապետի,
Ու յորջորջի Սարգսի որդի,
Ի գիւղն բնիկ Շինողեցի:
Ի բազում ամ աստ ջանացի
Եւ պիմ տապանս այսր եղի,
Եւ որ դիպիր, տուր լղորմի,
Թվին հաղար երկհարիւրի:

⁴ Նույն տեղում, էջ 149.

«Ի ռազում ամ աստ չանացի»՝ ասված է հանդուցյալի մասին։ Պետրոս վարդապետը Հաղթանի միաբաններից է և «բազում ամ» աշխատել է վանքում, վախճանվել ու թաղվել հեղեղից ու գավթում։

Յավոթ, միայն հզակի ու խիստ արժանավոր անհատների շիրմաքարերն են արձանագրություններ առանձնանում։ Կան շատ տապանաքարեր, որ հիշատակություն չունեն և շատ ղերբամաններ, որ շիրմաքար չունեն։ Այլապես մեկի փոխարեն մենք մի շարք շիրմաքարեր կարող էինք հիշատակել, ինչպես որ կարող էր այս մեկն էլ չլինել։ Չլինելն, իհարկե, չէր կարող նշանակել, թե կյանքը դադարել էր Հաղթանում, այն էլ Հաղթատում՝ Գուդարքի ամենանշանավոր հոգևոր կենտրոնում։

Հերակլը հինգ անգամ (1749, 1751, 1765, 1768—69 և 1779 թթ.) Հայաստանում լինելով, 1769 թ. Երևանի Հուսեին խանի վրա արշավելիս, այցելել է Հաղթան։

Ալեքսանդր Երիցյանը 1873 թ. «Кавказская старина» հանդեսի № 3-ում տպագրած «Ахпатский монастырь» հոդվածաշարում խոսելով նույն այդ շրջանում լիվդիների կատարած ավերածությունների մասին և նկատելով, որ այդ արշավանքների հետևանքով ամենից ավելի տուժել էր Հաղթատը, գրում է. «Լեզգիների անընդմեջ հարձակումները բոլորովին քայքայել են Հաղթատ գյուղը, որը մի քանի տարի անմարդաբնակ լինելով, կրկին բնակեցվել է 1766 թ.։ 1769 թ. Հաղթատ է այցելել Հերակլ II արքան և հենց այստեղից էլ արշավանքի է դուրս եկել Երևանի Հուսեին Ալի-խանի դեմ»⁵ (ընդգծումը մերն է— Շ. Գ.)։ Դրանք հենց այն մի քանի տարիներն են, որոնց մասին ասում ենք, թե կարող էր անմարդաբնակ լինել Հաղթատը, բայց կա և հաջորդ տողը՝ «կրկին բնակեցվել է 1766 թ.»։

Այլ կերպ լինել չէր կարող։ Անտառներում ու մոտակա այրերում թաքնված հաղթատցիք վերադառնում ու կրկին տեղ էին դառնում իրենց տուն ու տեղին։ Կալ ու կուտին։ Եթե կրկին հարձակում էր լինում, նույն քանը կրկնվում էր և ժողովրդի հետ, որի հետևանքով հոգևոր առաջնորդները, որոշ ժամանակով Հաղթատում նստելու փոխարեն, տեղափոխվել էին Թիֆլիս։ Բայց տեղում անխափան գործում էր վանքը և նրա շրջակայքում ապրում էր հայ շինականը։

Պ. Հակոբյանը վատ է օգտվել քննարկվող շրջանի վերաբերյալ գոյություն ունեցող տպագիր և արխիվային նյութերից, չի թերթել անգամ հրապարակում եղած հանրահայտ աշխատությունները։ Մի՞թե նրան հայտնի չէ, որ Հովսեփ էմինը, Հերակլի ժամանակակիցն ու գործակիցը լինելով, գրել ու մեղ է թողել իր գլխով անցած դեպքերը. մի ընդարձակածավալ ուսումնասիրություն, որ անգլերենից թարգմանվեց հայերեն և տպագրվեց Բեյրութում՝ 1958 թ.։

Իր աշխատության 14-րդ գլխում էմինը խոսում է 1763 թ. Հաղթատի կողմերում լեզգիների դեմ մղած իր կռիվների ու քաջագործությունների մասին։ Ինչպես հայտնի է, էմինն իր մասին պատմում է երրորդ դեմքով։ Նա գրում է. «Հունիսի ատենները էմինը դիմեց իշխանին (խոսքը Հերակլի մասին է— Շ. Գ.) և խնդրեց անկե, որպեսզի իրեն շնորհե՝ հարյուր ձիու բեռ ալյուրի հետ միասին նաև... հրովարտակ մը։ էմինի փափագն էր, որ իր նորագիր քսան և չորս լիկնվորներուն հետ երթան Հաղթատի թեմը, որ երկու օրվան ճամփա հեռու էր Թիֆլիսեն՝ դեպի հարավ-արևմուտք։ Այս շրջանի բնակիչները մասամբ

⁵ «Кавказская старина», 1873, № 3, էջ 83։

առևանգված էին ասպատակողներն և մասամբ ալ զաղթած էին Կախեթ՝ իշխանի ժառանգական հայրենիքը ապրելու համար վանքին մեջ: Լեզգիներն ընդհանրապես այս ամայի ու լեռնային երկրի մեջ է, որ կունենային իրենց ժամադրութիւնները»⁶:

Եվ իրոք, էմինը իր մարդկանց հետ մեկնում է նախ Պեյտար հայաբնակ գյուղը, որի մոտ անհավասար կռիւ է տալիս 52 լեզգիների հետ, հաղթում նրանց և անապարհը շարունակում դեպի Հաղբատ: Եվ միայն նույն թվականի դեկտեմբերին նա վերադառնում է Թիֆլիս՝ ջերմ ընդունելութան արժանանալով Հերակլի կողմից:

Եթե 1740-ական թթ. ի վեր Հաղբատն անմարդաբնակ լիներ, ինչո՞ւ պետք է լեզգիները շարունակեին արշավել այս կողմերի վրա և ինչո՞ւ ինքը՝ էմինը, պետք է գնար Հաղբատ: Գուցե նա գնում էր ավերված ու գետնին հավասարված գյուղը պաշտպանելու թշնամիներից: Զէ՞ որ նա պարզ ասում է՝ «դնաց «Հաղբատի բնակչութիւն ունեցող շրջանը», որ նույնն է թե՛ դնաց «բնակելի, բնակչութիւն ունեցող Հաղբատ»: Կասկածողները կարող են դիմել բնագրին, ուր պարզ գրված է՝ „to the inhabited bishopric of Haghpat“, որ նշանակում է. «բնակելի, բնակված, բնակչութիւն ունեցող թեմը Հաղբատի»:

Հաղբատ գյուղի և վանքի կործանված լինելը ապացուցելու համար հենց սկզբից Պ. Հակոբյանը մատնացույց է անում Ղրիմեցու մի վկայութիւնը՝ կապված զականեցիներին Շուլավեր գյուղաքաղաքը փոխադրելու հետ, որ նա, ինչ-ինչ պատճառներով, կոչում է ուխտագնացութիւն:

1776 թ. Մխիթար Քալանթար հայկազուն իշխանը, պատմում է Ղրիմեցին, Զակամի գավառի բնակիչներին փոխադրում է Շուլավեր: Մխիթարը 70 հոգույց բաղկացած իր խմբի հետ դուրս է գալիս շրջագայելու Շուլավերի մերձակա շրջանները, հասնում է մինչև պղնձահանքի մոտերը և բարձր լեռներից մեկի կատարին կանգնած, այս ու այն կողմ նայելիս, նկատում է Հայբատի ու Սունահինի վանքերը, սբանշանում է («զարմացեալ միանգամայն») և լեռներից իջնելով, բարձրանում է նախ Հաղբատ ու մտնում Ս. Նշան եկեղեցին: Հիանում է նրա հոյակապ ու խրթին կառուցվածքով: Ապա նկատում է, որ այն անշուք և անտերունչ վիճակում է, կատարյալ անտերութեան է մատնված, այն աստիճան, որ խոտեր ու թփեր են աճել պատերի ու տանիքի վրա: Բշխանն անմիջապէս հրամայում է մաքրել եկեղեցին, պոկել խոտերն ու մացառները և ապա հրամայում է քահանաներին՝ օրհնել եկեղեցին: Հաջորդ օրը պատարագ է անել տալիս Ս. Նշան եկեղեցում, ինչպես և բազում անասուններ մորթելով. մատաղ է աճում. «զենեալ նաև ղյուղով մատաղս առնէ նաւակատիս խնջոյից և խրախութիւն ամենայն բազմութեանն մեծահաց հանդերձանօք»⁷:

Վերջին այս տողերը Պ. Հակոբյանը դուրս է թողել, զգալով հավանաբար, որ «ամենայն բազմութեանն մեծահաց հանդերձանօք» ասելով Ղրիմեցին նկատի ունի Հաղբատի բնակիչներին, որոնց անասուններն է, որ պիտի մորթվեին «մատաղի» ժամանակ: Հենց այստեղ է, որ Պ. Հակոբյանին պետք է եղել զականեցիներին ուխտավոր դարձնելը, որովհետև միայն ուխտավորները կա-

⁶ «Հովսեփ էմինի կյանքն ու արկածները», Բեյրութ, 1958, էջ 251:

⁷ Տե՛ս «The Life and adventures of Joseph Emin», London, 1792, էջ 222:

⁸ «Յովհաննու Ղրիմեցույ Պատմութիւն...», էջ 121:

բող էին իրենց հետ անասուն բերել մատաղի համար: Մխիթարը և իր մարդիկ ուխտավոր չլին, հրանք պարզապես շրջում էին տեղանքին ծանոթանալու համար և զիսկնաժող էղան Հաղբատում: Ինչ վերաբերում է վանքի անտերունչ վիճակին, որ իբր, հետեանք պիտի լիներ լեզգիների ասպատակության և տնդի բնակիչների ու հոգևորականության անհոգության, ապա դա բնավ ասացույց չէ այն բանի, թե 1740-ական թթ. հետո վանքը կատարյալ ամայի ու ավեր է եղել: Այդ բանի ասացույց չեն նաև քարերի ու տանիքի վրա բուսած խտտնրն ու թփերը, ոչ ում հետև խոտեր ու թփեր բուսած կան մեր բոլոր հին շինությունների վրա, այդ թվում և էջմիածնի այժմ գործող մայր եկեղեցու, Հռիփսիմեի, Կեղարդի, Սեանի և շատ այլ վանքերի ու մատուռների տանիքներին:

Այս է իրողությունը և այս դեռ Հաղբատում՝ Սայաթ-Նովայի լինելուց առաջ: Ինչ վերաբերում է Սայաթ-Նովայի ժամանակին, ապա դա ուղղակի զուգահեռում է Հաղբատի վերաշինության և հոգևոր գործունեության վերելքի շրջանին:

Դիմենք վրաստերին:

Ինքը Ղրիմեցին մինչև 1776 թ. է համարում Հաղբատի ամայի ու ավերված լինելու շրջանը: Ոչ ոք հավաստի չգիտե և չի պնդում ու չի կարող պնդել, թե Սայաթ-Նովան ավելի վաղ է եղել Հաղբատում: 1770-ական թթ. ասելով սովորաբար հասկացվում է ոչ միայն ճիշտ՝ 1770, այլև՝ 72—73—75 թթ.: Միանգամայն հնարավոր է, որ Սայաթ-Նովան Հաղբատում է եղել 1775—1776 թթ. հետո և ոչ թե ճիշտ 1770 թ.: «...ավելի հավանական է,— գրում է Մ. Հասրաթյանը,— որ Սայաթ-Նովան վարդապետ ձեռնադրված լինի 1775 թվականին՝ կնոջ մահվանից 7 տարի հետո»⁹: Ուրեմն խոսքը երկու մոտավոր տասնյակ տարիների մասին է՝ 1770-ական թթ. հետո մինչև իր մահը:

1777 թ. Հաղբատի առաջնորդ դարձած Աբրահամ Թեքիրտաղցին (Թրակեցին) արդեն փոխադրվել ու նստում էր Հաղբատում. սա իրողություն է: Հազիվ թե ամայի ու անմարդաբնակ Հաղբատը, եթե մինչ այդ արդեն գյուղը վերաբնակեցված և նորմալ կյանքով շարժվել, կարողանար ոչ միայն կերակրել ու խնամք տանել առաջնորդարանի հոգևոր դասին, այլև սատար լինել այն մեծ շինարարությանը, որ սկսեց Աբրահամը իր գործունեության առաջին իսկ տարին: Ղրիմեցին մեկ առ մեկ թվարկում է այդ. «...նախ տեսնալ զպակասութիւն բնակարանաց ի սմա՝ ձեռն ի գործ առնէ և շինէ զերկայարկ առաջնորդարան՝ գեղեցիկ՝ ի հիւսիսկողմն նշարատան՝ հարուստ մի բացագոյն՝ առ որմով հնագոյն սեղանատանն կամ ձիթահանքին... և զայլ սենեակս ինչ յայլ և այլ պէտք»¹⁰: Ապա կցում է. «Ըստ որում պատմեն ականատես ծերունիք»: Արդյոք հաշվի առնել է Պ. Հակոբյանը, թե ի՞նչ է նշանակում այս՝ «պատմեն ականատես ծերունիք» արտահայտությունը: Հո չէի՞ն կարող ականատես ծերունիները սանահինցի կամ մղարթիցի լինել: Ուրեմն գյուղը կար, բնակիչները կային, որ Ղրիմեցու ժամանակ հասել էին օր ծերության:

Աբրահամին, երեք տարի հետ, 1780 թ. փոխարինում է Աղվանից Իսրայել կաթողիկոսը, որն իր առաջնորդության շորս տարիների ընթացքում «...նորոգելաց բովանդակ պտանիս կաթողիկէին սբ. նշան աւագ եկեղեցւոյ. կանգնեալ

⁹ Սայաթ-Նովա, Առաջարան, էջ XXXV:

¹⁰ «Յովհաննու Ղրիմեցոյ Պատմութիւն...», էջ 122—123:

ի գազաթան նորա զխաշ մեծ, դեղատեսակ և աղնիւ. շինեաց և կաթողիկոսարան կամ առաջնորդարան գեղազարդ ի հարաւոյ սբ. Նշան աւագ տաճարին և ի վերայ աբտարին սլարսպի մենաստանիս և առ նովաւ սենեակս մեծամեծս և փոքունս հանդերձ ներքնայարկօք» և այլն և այլն: Եվ այս ամենը Հաղբատի ավերված ժամանակ:

Բայց շարունակենք փաստերի թվարկումը:

Սղանյանցի «Դիվանի» 11-րդ գրքում որոշակի ականարկ կա Հաղբատի բնակչության մասին. թվականը՝ 1778: Հովհաննես և Մարտիրոս անունով երկու հոգեւորականներ նամակ են գրում Սիմեոն Ա Երեւանցի կաթողիկոսին այն մասին, որ Բելյավում գործակալ շունեն և սանահնեցիք ու հաղբատցիք (պարզ ասված է՝ «սանահնեցիք ու հաղբատցիք») «չավթել են» Թելալը, և որ հարկավոր է այնտեղ նշանակել սուրբ Աթոռի և Սանահնի գործակալ տեր-Սարգիս քահանային. «Իսկ և՛ Առաջնորդ Յովհաննէս, և նուիրակ Մարտիրոս վարդապետքն մէկ թուղթ էին գրեալ առ սրբազան վեհն, որք և խնդրեալ էին թէ՛ ի Թելաւ գործակալ ոչ գոյ մեզ, և Սանահնու ժողովրդոցն, և Հաղբատցիք զաւթեն, Կացո անդ սրբոյ...»¹¹ և այլն: (Այստեղ և այսուհետև մեջքերումներում կատարված ընդդէմները մերն են — Ծ. Գ.):

Իսկ որ Հաղբատը բնակելի է եղել նաև 1780-ական թթ., երևում է Մ. Թաղիադյանի «Ճանապարհորդութիւն ի Հայս» աշխատության մեջ արձանագրված հենց այն փաստից, որ նշել է Պ. Հակոբյանը:

Գիտենք, որ Թաղիադյանն էլ այդ ժամանակ էր իրագործում իր հայտնի շրջափռութիւնը: «Աստուծօր, հրամանաւ Ներսիսի,— գրում է նա,— շրջեցի ի մերձակայ վանորայս և օրինակեցի զամենայն նախնի արձանագրութիւն աշխարհին, ի խաչարս, ի վիմս ապառաժից. սկսեալ ի Դանձասարայ մինչև ի Հաղբատ և ի Սանահնի»¹²: Հաղբատում պատահում է մի այսպիսի ուշագրավ դեպք. «Զայսու ժամանակաւ (խոսքը 1822—1823 թվականների մասին է — Ծ. Գ.) մեռաւ մի ի մերոցն՝ Մինաս վարդապետ Կարմիկ կոչեցեալ, և ի խնդիր լինել մեր զգազաղէ՛ թէ ի վանսն և թէ ի գեղջ՝ որ պարունակէր տունս իբրև 150, ոչ գտաք: Եւ ի հարցանել մերում ցիրէց տեղւոյն Ստեփանոս, թէ «ապա զիա՞րդ թաղէր նա զմեռեալ իւր», պատասխանեաց թէ՛ «անա քառասուն ամբ են, զի քահանայեմ աստ, և ոչ զոր թաղեցի ի մեծամեծաց մինչ ի փոքրկունս»¹³: Ուշագրավ է, որ գյուղն ունի 150 տուն և նրա «քառասնամյա» (քառասուն տարւիլա) քահանան իր սլաշտոնին է 1780-ական թթ. ի վեր, ավելի ստույգ՝ 1783 թ.: Այդ, թե՛ հաջորդ տարւանից է Պ. Հակոբյանը «հաշվում» Հաղբատի երկրորդ՝ լիակատար ավերումն: Ավեր ու անմարդաբնակ գյուղում 40 տարի ինչպե՞ս կարող էր ապրել տեր-Մովսէսը, ո՞վ էր խնայելու նրան և ո՞ւմ էր սպասարկելու նա: Մեզ թվում է, թե Հակոբյանը ուշի-ուշով չի թերթել իր ձեռքի տակ եղածը՝ Ղրիմեցու երկասիրութիւնն ու «Դիվանի» հատորները, ինչպես նաև ուսերեն այն միակ աշխատութիւնը, որից օգտվել է:

Եթե իսկապես Հաղբատը բոլորովին ամայի ու անմարդաբնակ լիներ, հայիվ թե նույն այդ 1760-ական թթ. վերաբերյալ հնարավոր լինել դրել. «Հետակ արքսն խնդրեալ ի սրբապան Վեհէն տալ զԱռաջնորդական կոնդակ Զա-

¹¹ «Դիվան հայոց պատմութիւն», գիրք ԺԱ, Թիֆլիս, 1913, էջ 379:

¹² Մ. Թաղիադյան, Ճանապարհորդութիւն ի Հայս, հատ. 1, Կալկաթա, 1847, էջ 332:

¹³ Նույն տեղում, էջ 334—335:

քարիա վտրգսւպեւիւն միայն ի վերայ Հաղբատայ թեմին»։ Այսինքն Թիֆլիսից անջատ, որսվեսզի թիֆլիսեցիք այլևս կախում չունենան Հաղբատից։ Վեհափառը, սակայն, մերժում է, ասելով, որ վանքն ի վիճակի չէ մի այլ առաջնորդ էլ կարգել Թիֆլիսի համար։ Եւ Չաքարիան մնում է առաջնորդ երկու տեղերի համար, վարելով միաժամանակ Սանահնի առաջնորդությունը երեք տարի ժամանակով՝ մինչև 1770 թ.¹⁴։

Հաղբատի և Սանահնի վանքերի՝ 1750-ական թթ. շեն լինելու վերաբերյալ «Իիվանի» Դ հատորում կա մի այլ ուշադրավ վկայություն ևս։ Ղուկաս կաթողիկոսը թուղթ է գրում Թիֆլիսի առաջնորդ Կարապետ վարդապետին և Ուրբ Աթոռի Վեբիլ տեր-Ղազար քահանային, որ Գյանջեցի Սիմեոն վարդապետը կամենում է վերաշինել Օձունի Հովհանն Օձնեցու վանքը՝ Հաղբատից ու Սանահնից անկախ։ Նամակում կաթողիկոսը գրում է, թե երբ Սիմեոնն այդ նպատակով ինձ մոտ եկավ, ես հարցրի. կա՞ արդյոք կոնդակ՝ հին վանքից մնացած։ Նա ասաց թե «ոչ ունիմ... Իսկ մեք որովհետև՝ թէ ի լրոյ՝ և թէ զկոնդակս ոմանու և րբեմն տեսանելով. այնպէս պիտեմք թէ՝ շէն վանք ի յայդ միջոցսդ՝ Հսլբատ է լեալ և Սանահնի, և թեմք իւրաքանչիւրոցն կից միմեանց՝ և միշտ կուի ի մէջ դոյա, իսկ վանք սրբոյն Յովհաննու Օձնեցւոյն՝ թէ շէն է լեալ արդեօք՝ թէ ոչ կամ թէ ունեցեալ է զվիճակ ի մէջ այդ երկուց վանիցդ վիճակոցն՝ թե ոչ, չգիտեաք...»¹⁵։ Վերջում կաթողիկոսը հանձնարարում է. «Ուրեմն՝ ժողովեցէ զամենայն հնագոյն արս՝ որք ի քաղաքիդ՝ կամ ի թեմսդ գտանին, յիրից թեմիցն ևս, այսինքն սրբոյ Աթոռոյս, և Հաղբատու և Սանահնու, թէ վարդապետք իցեն, թէ Աւագ Բահանայք... և թէ այլ Բահանայք, և աշխարհական գլխաւոր իշխանք և հնապոյն բանագէտ անձինք։ Բերեալ տացէ և զԱռաջնորդսն Հախպատու՝ Սանահնու և Հաղարծնոյ. և զամենեկան ի մի վայր գումարեալ՝ քննեցէ արդարութեամբ թէ վանքն այն յորում ժամանակի է լեալ շէն. և թեմ ունեցեալ է՝ թէ ոչ. Կամ թէ՝ ինքնագլուխ վանք է եղեալ, թէ ի ներքոյ իշխանութեան Հաղբատու կամ Սանահնու»¹⁶։

Նույնը կարելի է ասել և 1799-ական թթ. վերաբերյալ։ «Դիվանի» Դ հատորում կարդում ենք. «Եւ պի թարմասալ սեպուխքն այնորիք շունին ինչ ռատութիւն առ սուրբ վանքն, և զանձինս իւրեանց միայն արածեն, և խռովութիւն ևս յարուցանեն, վասն որոյ ահա գրեցաք առ Հաղբատու Եւսեպիանոս թէ՝ կարգազերծ իսկիթն և շնչին արեղայն իւր լուծեալք են ի կարգաց իւրեանց»¹⁷։

Պարզ է ասված՝ «պիցինք Հաղբատի թեմականներին, որ Դավիթն ու իր շնչին արեղան կարգալուծ են արված»։

Գոյություն ունեն առավել ակնառու ու երկբայության տեղիք չտվող այնպիսի փաստաթղթեր, ինչպիսիք են 1763, 1784, 1787, 1795 թթ. Հաղբատի առաջնորդներին, գործակալներին և իշխանավոր անձանց հասցեագրված՝ ժամանակի հոգևոր գործիչների պրապրությունները, Նամակներն ու կոնդակները, որոնցով լի են Մատենադարանում պահվող Կաթողիկոսական դիվանի թղթասրահակները, ինչպես նաև Սիմեոն Երևանցու և Հովսեփ Արղուիթյանի դավթարներում եղած նյութերը, որոնց հրապարակումով¹⁸, կարծում ենք, մեկընդմիջ

14 Տե՛ս «Դիվան հայոց պատմության», գիրք Դ, Թիֆլիս, 1894, էջ 531—533։

15 Նույն տեղում, գիրք Դ, Թիֆլիս, 1899, էջ 207։

16 Նույն տեղում, էջ 210։

17 Նույն տեղում, էջ 582։

18 Հոդվածի ծավալը թույլ չի տալիս այդ անել հիմա։

վերջ կտրվի Հաղբառի ավեր ու անմարդաբնակ լինելու վերաբերյալ այն կարծիքին, որ հայտնել է Պ. Հակոբյանը:

«1784 թ. ուշ աշնանից, — գրում է Հակոբյանը, — ինչպես նշեցինք, սկսվում է Հաղբառ գյուղի ու վանքի երկրորդ, լիակատար ամայությունը, որ տեղում է մինչև դարավերջ» (էջ 218):

Այդ բանում համոզվելու համար նախ նա փորձում է «ապացուցել», որ Հաղբառի հրկրորդ ավերումը տեղի է ունեցել ոչ թե 1786 թ., ինչպես նշում է Հովհաննես Ղրիմեցին, կամ՝ 1785-ին, ինչպես վկայում են վրաց աղբյուրները, այլ 1784 թ.:

Պ. Հակոբյանն իր հոգովածում գրել է. «Մեզանում հաճախ ավելորդ վստահություն է ցուցաբերվում օտար, ևրբեմն միսունամյա ընտանիքի ու սխալաշատ աղբյուրների նկատմամբ և արհամարհանք՝ մեր մատենագիրների հանդեպ: Մարդիկ փոխանակ... հայրենի դիվանները մանրադնին հետախուզելու, դուրախաբույթյամբ դուռ են բաց անում օտար վարկածների առաջ և հալած յուղի տեղ ընդունում դրանք՝ առանց լռելուն ստուգելու, քննելու, բաղդատելու»¹⁹, բայց չնայած դրան, ինքը ժամանակակից մի պատմաբանի (Օլգա Պետրովնա Մարկովա) 1966 թ. հրատարակած՝ «Россия, Закавказье и международные отношения в XVIII веке» գրքի միայն մի քանի էջերից քաղած տվյալների հիման վրա կասկածի տակ է առնում Հովհ. Ղրիմեցուն: Իր հոգովածում նա գրում է. «Վերջին տարիներս գիտական շրջանառության մեջ են բերվել Ռուսիայի արտաքին հարաբերություններին վերաբերող մի շարք վավերագրեր՝ գրված լեզգիների Վիրք ներխուժած շրջին, որոնք պարզ ու հստակ մատնանշում են, որ խոսքը 1784 թ. ամառվա մասին է»²⁰:

Նախ՝ ի՞նչ ասել է վերջին տարիներս:

Այն վավերագրերը, որոնցից օգտվել է Օ. Պ. Մարկովան և որոնք նկատի ունի Հակոբյանը, ամենևին էլ վերջին տարիներս չէ, որ մտել են գիտական շրջանառության մեջ: Խոսքը ցարական գնդապետ Ստեփան Դանիելովիչ Բուրնաշևի ու Հերակլ II-ի՝ իշխան Կ. Պոտյոմկինին և Պ. Պոտյոմկինին հասցեագրած գրությունների ու նամակների մասին է, որ ավելի քան 150 տարի հայտնի են ամբողջ աշխարհին և որից օգտվել ու օգտվում են Կովկասով ու նրա ժողովուրդների պատմությամբ զբաղվող բոլոր մասնագետները՝ անցյալներում և այժմ: Այդ նյութերը սրանից ուղիղ հարյուր տարի առաջ օգտագործել է Պ. Բուտկովն իր հանրահայտ «Материалы для новой истории Кавказа с 1722 по 1803 года» աշխատության մեջ, ն. Դուրրովինը՝ իր «История войны и владычества русских на Кавказе» եռահատոր գրքում: Այդ նյութերից օգտվել և օգտվում են XVIII դարի վրաց պատմությամբ զբաղվող մասնագետները՝ Յասե Յինցաձեն, Վալերիան Մաչարաձեն, Նիկոլայ Բերձենիշվիլին, մեզանում՝ Լեոն, Մկրտիչ Ներսիսյանը, Աբգար Հովհաննիսյանը, Զավեն Գրիգորյանը և շատ ու շատ ուրիշներ:

Ինչպե՞ս կարելի է այս ամենից հետո գրել «վերջին տարիներս» և կամ միայն Օ. Պ. Մարկովայի հիշյալ աշխատության պատահական նախադասության վրա հենվելով պնդել, թե լեզգիների 1785—1786 թթ. հանրահայտ ար-

¹⁹ «Պատմա-բանասիրական հանդես», 1969, № 3, էջ 221:

²⁰ Նույն տեղում, էջ 213:

շալանդոր տեղի է ունեցել ավելի վաղ, երբ վերոհիշյալ հեղինակների մոտ հանդամանորեն նկարագրված են լիզզինների այդ արշալանքի կազմակերպման մանրամասները:

Ինչ վերաբերում է Ս. Բուրնաշևի՝ 1784 թվականի հուլիսի 6-ին տված հաղորդագրությանը («Վարստանի բոլոր հասնապարհները բռնված են, ինչպես վարսակ, լիզգիններով»․ ինչպես է Ներակ II-ի՝ «Վաղուց է, որ այսպիսի իրաբանցույտ շեր հեղև վարստանում տեղեկությանը, որ թարգմանաբար մեջ է բերել Պ. Հակոբյանը (էջ 213), ապա դարձեց խոսում են ոչ թե լիզգինների նոր հարձակուման, այլ այդ արձակման նախորդող շրջանում գոյություն ունեցող իրավիճակի մասին։ Ինքը՝ Մարկովան, քաղաքում հանգամանորեն նկարագրում է 1785—1786 թթ. Կովկասը ոտքի տակ տված լիզգինների, մասնավորապես Ավարայի Օմար խանի ձեռնարկած արշավանքները։ Կարծում ենք, որ Պ. Հակոբյանը աչք է փակել այնտեղ արձանագրված փաստերի առաջ, փաստեր, որ Մարկովան էլ իր հերթին վերցրել է, անշուշտ, տվելի հին աղբյուրներից, օրինակ՝ Նիկոլայ Դուբրովինից, որն էլ իր հերթին՝ Պ. Բուտկովից, որ մասնաժաման։ Եր առ օր նկարագրում է Օմար խանի արշավանքը դեպի Վրաստան։ Ըստ Բուտկովի՝ 1785 թ. սեպտեմբերի 22—23-ին Օմար խանը գրավում է Լուվա բերդն ու Ախլալան, հոկտեմբերի 3-ին՝ ին՝ Լաներթիայի Վախանի ամրոցը, ձմեռում է Ախալցխայում և միայն ապրիլի դուրս գալիս այնտեղից ու, Սևանի վրայով, Կաղաղանում իր հայրենիքը։ Այս արշավանքների ընթացքում է ղոհվում վրաց զորանի գործիչ Իսև Օսեի Բարաթաշվիլին, որ մեծվանից մեկ տարի առաջ հիշում է Օմար խանի՝ Լխթալայի շրջանում կատարած ավերածությունների մասին, նկարագրում իր մահը, երեսակայորեն պատկերացնում թաղումը, կարծես դգալով, որ հաջորդ տարին ընկնելու է նույն այդ լիզգինների սրից։ Հայտնի է, որ Բարաթաշվիլին լիզգինների պոհ է։ Կարգալով իր ներքո կազմած «Քրոնիկոնը», և հասնելով 1786 թ., Բարաթաշվիլու եղբայրը՝ Իոանն, բացականչում է. «Վա՛յ մե, էս թվին իմ ներային ընկավ լիզգինների ձեռքից» (Ձյոյլա լույտալան)²¹։

Ի վերջո հրապարակի վրա Լ. Բումանյանի «Սայաթ-նովան Դավիթ և-
պիսկոպոս» խորագիրը կրող ղեկուցման մի ծանոթագրությունը, որ արված է
Գեորգի XII-ին հասցեագրած Ղուկաս Կարենցու նամակի առթիվ՝ հոսանքով
լեզզիներին՝ դեպի Լեռի կատարած հիշյալ արշավանքների մասին, Թումանյանը
գրում է. «Անշուշտ, կաթողիկոսն ականարկում է 1785 թ. աշնանը լեզզիների հար-
ձակումը. նոր նկարի Օմար խանը 71 հազար ընտիր բեռնականներով Կովկասի
սարկիյի դշավ, ոտանառակ տվեց Կախեթը, անցավ Բորչալուն, սկսպոմբերի
20-ին մտավ Լուռու ձորերը, անլիբեյ ու կողոպտեց գյուղուն, և վանքերը և հե-
ռացավ սնպոմբերի վերջին, և՛ բըշ և՛ շերակ թագավորը խոստացավ տարեկան
որոշ գումար վճարի նրան»²⁰։

Այս ամենից հետո ինչպե՞ս կարելի է ասել, թե «խոսքը 1784 թվականի մասին է», ինչպիսի՞ն կարելի է չհավատալ Հովհաննես Ղրիմցուն, որ գեպյեբը նկարագրում է ճիշտ այնպես, ինչպես 30 տարի իրենից հետո վերոհիշյալ Պ. Բուտկովը:

21 ქრ. შარაში იმ, ესე ოსების „პრობლემა“. („Известия“ института языка, истории и мат. культуры имени Н. Я. Марра, Тбилиси, 1943, XIII, ტფ 121—137; ჯმთ. გ. შიკიძე, ძველი ქართული ლიტერატურის კითხვები (ძიოგაძის), ჯათ. 2, 1964, ტფ 136; 22 ზ. ზ. შიკიძე, თსუ, ბრესლი, 1959, გვ. VI, ბრესლი, 1959, ტფ 142;

Օմար խանի հարձակումներից, իրոք, մեծապես տուժում է Հաղբատը: Մոտ չորս տարի այն գրեթե կիսավեր վիճակում էր, այն չորս տարի և այն՝ գրեթե: Բնակիչներ կային, ինչ խոսք, չէին կարող չլինել, ուրեմն՝ և՛ հոգևորականներ: Այլ կերպ լինել չէր կարող: Ընդ այդ որոշակի երևում է Ղրիմեցու մի վկայությունից ևս. «Յամի 1786, յորում բազմութիւնք Ալանաց կամ լէկզեաց, իբրև քսան հազարաց՝ առաջնորդութեամբ Օմար-խանի իւրանց յարձակեալ յայս նահանգ Դուզարաց... պաշարեցին զայն և առին և զամենայն Յոյնս կոտորեալ ի բերան սրոյ՝ զհայս առ հասարակ ի գերութիւն վարեցին: Անտի ապա իջեալ՝ մտին ի ձորն Սեաւորդեաց և ի ջանալ նոցա ելանել ի Հաղբատատափ յսր ընդ կիրճն եւամաձորոյ՝ արգելան ի նոցանից բնակչաց Հաղբատայ (Պ. Հակոբյանի ուշադրութիւնն ենք հրավիրում) և այլոց զիղականացն... վասն որոյ ուղղակի անցեալ ընդ ձորն՝ գնացին յՕձուն գիւղ, որոյ բնակիչք արդէն խոյս տուեալ կային ամրացեալ յանմատոյց լերինս... Այլ մինչդեռ էին սոքա յՕձուն գիւղ անդր, Հաղբատցիք և ուր ընդ նոսա անաբեկեալ՝ ի բազմութեանէ նոցին՝ խոյս ետուն գիշերայն ի Հաղբատայ և գնացեալ ամրացան յանմատոյց ծործորս լերանց և յանտառս»²³:

Օմար խանի արշավանքից հետո, հաղբատցիք չորս տարի թափառում են այս ու այն կողմ. նրանց մի մասը, Հերակլի հրամանով, տեղափոխվում է Թիֆլիս, իսկ մյուս մասն, ինչ խոսք, մնում է տեղում: Հիշենք հենց թեկուզ Թաղիադյանի րահանային, որ 1780-ական թթ. ծառայել էր գյուղում: Բավական է, որ գյուղի մի որոշ մասն էլ չլեր, մեկ երկու թաղ ավերվեր, պատմիչը այն պիտի ներկայացներ որպես լիակատար ավերածություն: Այսպես էր բանը և Դավթի առաջնորդության տառններին: Այո՛. Դավթը, այդ շրջանի Հաղբատի անարժան առաջնորդը, գրեթե Հաղբատում չնստեց, բայց ոչ թե այն պատճառով, որ Հաղբատն ավերված էր, այլ որովհետև ինքը՝ Դավթը, աշխարհիկ հաճույքների սիրահար, թեթևաբարո մեկն էր, որ վանքը լքել ու իր օրերն անց էր կացնում Թիֆլիսում: Ղուկաս Կարենցին Հերակլի և մանավանդ նրա որդի Գեորգիի բազում խնդրանքներին անսալով է, որ Խորայելի փոխարեն Դավթին առաջնորդ կարգեց: Նրա նպատակն այն էր, որ Դավթը կենա Հաղբատում և զբաղվի վանքի վերաշինությամբ: Նույնիսկ նրան եպիսկոպոսական կոչում շնորհեց՝ դարձյալ ի սլատիվ ուրբայի և նրա որդու: «Եթե տէր կամեսցի, և յաջողուցէ, վասն բաղյու և պատուական խաթեր բաղձալոյդ զայդ խնդիրդ ևս կատարելաց նմք. միամիտ լեր»²⁴: Եվ այս բոլորից հետո էլ «Դավթ շվարդապետը... ոչինչ կամեցաւ բարեպէս վարիլ,— տրտնջում է կաթողիկոսը,— և մինչ լեզկեաց յարուցումն եղև, զվանքն գատարկեալ, եկն յայդր, և ոչ ևս հոգաց զանալ»²⁵:

Նշանակում է արդյոք, թե Հաղբատն այդ շրջանում անմարդաբնակ էր և վանքը՝ կործանված: Իհարկե ո՛չ: Վանքում հոգևորականներ, սպասավորներ չէին կարող չլինել և կային: Եվ հենց նույն այդ նամակում էլ կաթողիկոսը հիշում է նրանց. «Գրեցաւ առ Հաղբատու քեմականս, թէ կարգադերձ Դաւիթն և շնին արեղայն իւր լուծեալք են ի կարգաց իւրեանց. և խնդրեցաք զի քանի քահանայք և իշխանք պայցեն ի սուրբ Աթոս, որ նոքօք հանդերձ ի յառաջնորդ կոչեցեալ Դաւթն առցուր զհաշիւսն այսքան ամաց արտադրութեանց սրբոց

²³ «Յով. Ղրիմեցոյ Պատմութիւն...», էջ 127—128:

²⁴ «Դիվան», գիրք Դ, էջ 582:

վանացն»²⁵, Նույն թվականին և նույն հուլիս ամսին արքայազն Գևորգին դրած նամակում էլ նա հիշում է հաղթանակներին. «Որոց բողոքն մինչ է հասառ մեզ, հարկ իղաւ զի յառաջնորդ կոչեցելոյն պահանջեսցուք զհաշիւս արդեանցն առեցելոց յանուն սրբոյ վանացն... Ուստի՝ ահա թուղթ գրեցաք ի յօրհնեալ քաղաքդ առ Հախլաւառու քեմ քահանայս և ժողովուրդսն, և խնդրեցաք ի նւցանէ դալ ի սուրբ Աթոռս»²⁶ և այլն և այլն:

Այս է իրողութիւնը, և այս ամենը հերքել հնարավոր չէ:

Այժմ մի երկու խոսք Սայաթ-Նովայի մասին:

Անհրաժեշտ է հարգանքով ու երկյուղածությամբ քննել նրա անվան հետ կապված յուրաքանչյուր մանրութ՝ տեղի շտալու համար որևէ հնարավոր թյուրիմացության: Այն բանից հետո, երբ համարյա բոլոր սայաթնովագետները՝ սկսած Ախվերդյանից, հայ-վրացական բաղմամբով ու բաղմամպիսի աղբյուրներին քաղած նյութերի հիման վրա գտնում են, որ Սայաթ-Նովան իր կյանքի վերջին տասնամյակներն անց է կացրել Հաղբատում, Պ. Հակոբյանը կասկածի տակ է առնում այդ իրողութիւնը:

Եկեք հետևենք հինգ իր՝ Պ. Հակոբյանի մտքի ընթացքին ու դրույթներին:

Պ. Հակոբյանը գրում է. «Անուղղակի տվյալներից կռահվում է նաև, որ Դավթի նախորդ Իսրայել կաթողիկոսը, տակավին Հաղբատականից առաջնորդ, նույն 1783 թ. Տիդիսում էր: Այդտեղ էր հաստատվել նաև Սանահնի վանքի առաջնորդը՝ Նրանք, հարկավ, միայնակ չէին, այս ստորագրած վանականների շքախմբով: Հակված ենք կարծելու, որ Սայաթ-Նովան էլ նրանց հետ պիտի լիներ: Մանավանդ որ րոտ անստաբիլ լավերագրերի, 1784 թ. սկզբներին Տիդիսում ապրում էր վեղար կրող Տեր-Ստեփան անունով մի հոգևորական, որպիսին Սայաթ-Նովան էր այն ժամանակ» (էջ 218):

«Անուղղակի տվյալներից կռահվում է նաև, որ Դավթի նախորդ Իսրայել կաթողիկոսը... Տիդիսում էր» պնդման համար ոչ թե անառարկելի, այլև անառարկելի տվյալ էլ գոյություն չունի: Իսրայելը իր առաջնորդության 4 տարիների ընթացքում, իհարկե, մեկ-երկու օրով կարող էր մեկնել Թիֆլիս, բայց նա մշտապես բնակվել ու գործել է Հաղբատականքում, և այդ 4 տարիների մեջ, ինչպես վերը տեսանք, կատարել է շինարարական մեծ աշխատանք: Ուրիշ է Սանահնի Արարհամր, որ Հաղբատի հետագա առաջնորդ Դավթի նման ապիկար վարքի տեր մեկն էր և իր ժամանակի մեծ մասն անց էր կացնում Թիֆլիսում: Պաշտոնավարից հիւանալն ու մի այլ տեղում ժամանակավոր ծառայելը ինքնին ոչինչ չի նշանակում: Այդպես էլ Հաղբատի առաջնորդների Թիֆլիս տեղափոխվելը չէր կարող նշանակել, թե հոգևոր կյանքը դադարել էր Հաղբատում: Հայտնի է, օրինակ, որ ոչ միայն թեմերի առաջնորդները, այլև ներսևս Աշտարակեցին և՛կար տարիներ բնակվել է Թիֆլիսում, Աղվանից կաթողիկոսները՝ Կանձասարից տեղափոխվել էին Հաղբատ, Գաբրիել Այվազովսկին (որ Թիֆլիսի առաջնորդ էր և միաժամանակ էջմիածնի Գևորգյան ճեմարանի տնօրենը) բնակություն էր հաստատել էջմիածնում: Իսրայելին Արարհամրի հետ Թիֆլիս տեղափոխելով, Պ. Հակոբյանը ուրիշ նպատակ չի հետապնդել, քան նրանց հետ Հաղբատից Թիֆլիս «տանելու» նաև Սայաթ-Նովային: «Հակված ենք կարծելու, որ Սայաթ-Նովան էլ նրանց հետ պիտի լիներ»։ Ինչու:

²⁵ Նույն տեղում:

²⁶ Նույն տեղում, էջ 580:

որովհետև «1784 թ. սկզբներին Տփղիսում ապրում էր վեղար կրող Տեր-Ստեփան անունով մի հոգևորական, որպիսին Սայաթ-Նովան էր այն ժամանակ»։ Բայց տեսնելով, որ Թիֆլիսում հղած Ստեփանոսների թիվը այդ տարիներին խիստ շատ էր, ավելացնում է. «Ստեփան(ոս) անունով շատերը կային, բայց այդ շատերի մեջ 1784 թ. միայն մեկն է, որ ուներ վեղար, այսինքն՝ այրի քահանայությունից վանականների դասն էր անցել և անգամ մեծարվում էր ամենայն հայաց կաթողիկոսից»։ Այդ անձը հենց Սայաթ-Նովա—Տեր Ստեփանն էր» (էջ 218)։ Եղանակ...

Առաջ անցնենք։

Ուշադրության արժանի հաջորդ խնդիրը վերաբերում է Սայաթ-Նովայի կյանքի վերջին տասնամյակին։

Հայտնի ավանդության համաձայն, 1795 թ., երբ Աղա-Մահմեդ խանը արշավում է Թիֆլիսի վրա, Սայաթ-Նովան շտապով Հաղբատից գալիս է Թիֆլիս՝ իր որդիներին մոզոգոյ փոխադրելու համար։ Ավանդությունն այս ժամանակին է վերադրում և Սայաթ-Նովայի սպանությունը։ Մինչդեռ ըստ Հակոբյանի նրա որդիները (Օհանը և Մելիքսեթը) դրանից մի ամբողջ տասնամյակ առաջ՝ 1785 թ. արդեն վաճառականներ էին Ղզլարում։

Առանց հաշվի առնելու, որ սա ավանդություն է, կամ տարեց մարդկանց հիշողության հիման վրա սարքված վարկած, Պ. Հակոբյանը գրում է. «Այս ևս մի լուրջ կովան է հաստատելու, որ Սայաթ-Նովան... Հաղբատից Տփղիս էր հեկել իսկապես 1784 թ. կամ նախորդ տարին...» (էջ 219), «Կարելի է անառարկելիորեն հաստատված համարել, որ Սայաթ-Նովան Հաղբատի վանքում կրոնավորել կարող էր միայն 1778—84 թթ. ժամանակամիջոցում» (էջ 224)։ Հետաքրքիր է, թե ինչու։ Որովհետև, ըստ Հակոբյանի, Սայաթ-Նովան Հաղբատից հեռացել է ոչ թե 1795 թ., այլ՝ տասնմեկ տարի դրանից առաջ, 1784 թ.։ Ինչու։ Որովհետև «անառարկելի վավերագրերից (դարձյալ՝ անառարկելի...) հայտնի է, որ Սայաթ-Նովայի որդիքը ... 1785 թ. արդեն վաճառականներ էին Ղզլարում» (էջ 219)։ Եթե այդպես է, և եթե Սայաթ-Նովան էլ Հաղբատից եկել էր իր որդիներին Ղզլար ճանապարհելու, կնշանակի վերջինս Հաղբատից Թիֆլիս կարող էր գալ՝ ըստ Հակոբյանի, միմիայն մինչև 1784 թ.։ «Եթե անգամ իրանա եկաշվիլու հնարավոր այցելությունը Հաղբատ տեղի ունեցած լիներ վերջին տարում,— գրում է նա,— ապա այդ ժամանակ ամենաշատը տասներեքամյա երեխա։ ախտի լինելը նա, տարիք, որ բոլորովին չի համապատասխանում եկաշվիլու վստահված պաշտոնին ու աստիճանին» (էջ 224)։

Ինչպես տեսնում ենք, Պ. Հակոբյանը այս անգամ էլ դատաստան է տեսնում վրաց գրականության խոշոր հուշարձաններից մեկի՝ «Կալմասոբայի» հետ։ «...մեր համոզմամբ,— գրում է նա,— մտադրածին է «Կալմասոբայի» հիշված գրվագը, ըստ որի, որպես թե 1801 թ... Սայաթ-Նովան... հանդիպել է... Իրանա իսկաշվիլու հետ» (էջ 222)։

«Կալմասոբայի» նկատմամբ բացասաբար տրամադրված բանասերը ամենից առաջ պետք է լավ գիտենա այդ գործը, հիմնավոր տեղեկություն ունենա նրա հեղինակի ու ժամանակաշրջանի մասին, ծանոթ լինի այդ երկի շուրջ ստեղծված գրականությանը։

«Կալմասոբան», վրաց գրականության և մշակութային կյանքի հռահատոր այդ հանրագիտարանը, ընդգրկում է պատմական, աշխարհագրական, փրկ-

սովորական, բնագիտական, աստվածաբանական և բազում այլ բնագավառների վերաբերյալ ամենաբազմապիսի նյութեր։ Նրա հեղինակը՝ Իոան Բաղրատիոնը, Վրաստանի վերջին թագավոր Գեորգի XII-ի որդին էր՝ Դավիթ և Բաղրատ Բաղրատիոնների և զրույրը, իր ժամանակի ամենազարգացած ու գիտուն մարդկանցից մեկը։ «Կալմասոբան» նա գրել է Պետերբուրգում, 1813—1828 թթ. մեջ՝ Սայաթ-Նովայի մահվանից 20—25 տարի հետո։ Անցյալի և ժամանակակից վրաց գործիչները շատ բարձր կարծիք ունեն «Կալմասոբայի» մասին և պատմականորեն ճշմարիտ ու հավաստի են գիտում նրանում ընդգրկված նյութը։

«Կալմասոբան» դրված է յուրօրինակ մի ձևով։ Կիսամեմուարային բնույթի այդ երկում պատմողը և գործող անձը ոչ թե ինքը՝ հեղինակն է, այլ նրա զասընկեր ու բարեկամ Իոաննի Խելաշվիլին, որի հետ նա ուսանել է Թելավի հոգևոր սեմինարիայում։ Իոաննին հեղինակը ման է ածում համարյա ամբողջ Վրաստանով մեկ՝ Կախեթ, Իմերեթի, Սոմխիթ, Բորչալու, բերում է մինչև էջմիածին, և իր ճանապարհին ընկած բոլոր նշանավոր մարդկանց հետ հանդիպեցնելիս՝ հարցալուրյաց կազմակերպում նրանց միջև Գրական այս «մեթոդը» հնարավորություն է ընձեռել հեղինակին արտահայտելու իր մտքերն ու հույզերը այս կամ այն գործի կամ երևույթի նկատմամբ։

Ժամանակները բծախնդրորեն ձիշտ նշված չեն «Կալմասոբայում», բայց փաստերն ինքնին պատմականորեն հավաստի են։ Գրքում չի ասված, թե ո՞ր թվականին և ումսի հիշտ րախիսի՞ն է Խելաշվիլին այցելել Հաղբատ, բայց որ Խելաշվիլին և Սայաթ-Նովան հանդիպել են և կամ կարող էին հանդիպած լինել՝ պատմականորեն հավաստի է։ Հնարավոր է անգամ, որ Խելաշվիլին Սայաթ-Նովային հանդիպած լինի ոչ այդ կերպ, և նրանց միջև տեղի ունեցած իրական զրույցն էլ փոքր-ինչ այլ բովանդակություն ունենար, քան այստեղ է։ Կարելի է կարծել անգամ, իր Սայաթ-Նովային հանդիպել, կամ զրույցել է ոչ թե Խելաշվիլին, այլ հեղինակը՝ Իոաննի Բաղրատիոնը, և այդ զրույցը վերագրել իր հերոսին։ Բայց որ իր, կամ իր հերոսի հանդիպումը, մոտավոր այդ բովանդակությամբ, տեղի է ունեցել, աներկբայելի է։ Գուցե այստեղ Պ. Հակոբյանը հիշեր Պ. Մուրադյանի տողերը, որոնց արդեն նա չէր կարող հանդիպած լինել։ Խոսելով Իոաննի Խելաշվիլու և Սայաթ-Նովայի այդ հանդիպման մասին Հաղբատում, Մուրադյանը գրում է.

«Այս հաղորդումը կասկած չի հարուցում, քանի որ Իոաննի Բաղրատիոնը եղել է նկարագրվող գեղեցիկի ժամանակակիցը, իսկ երբեմն էլ՝ նրանց անմիջական մասնակիցը»²⁷։

«Կալմասոբայի» դեմ իր առարկությունները Պ. Հակոբյանը փորձում է հիմնավորել նրա հեղինակի ծննդյան թվականի վերաբերյալ գիտողությամբ. «Զմոռանանք և մի ուրիշ հանգամանք, — գրում է նա, — արքայազնը ծնվել է 1772 թ. (էջ 224) և նշում է ի. Մելիքսեթ-բեկի «Վրաց աղբյուրները Հայաստանի և հայերի մասին» գիրքը, առանց սկզբնաղբյուրներով ստուգելու և պարզելու, թե իսկապես ե՞րբ է ծնվել վրաց թագաժառանգը։

Իոաննի Բաղրատիոնը ծնվել է ոչ թե 1772 թ., ինչպես նշում են պրոֆ. ի. Մելիքսեթ-բեկն ու Պ. Մուրադյանը, այլ՝ 1768 թ. և մեռել է ոչ թե 1839 թ.

²⁷ П. Мурадян, Армяно-грузинские литературные взаимоотношения в XVIII веке, Ереван, 1966, էջ 27։

վերջին պարբերությունը՝ «և սկսեց ուտել»²⁹, Ո՞վ է ուտողը՝ Լուսինեն, թե՞ Սայաթ-Նովան։ Մինչդեռ բնագրում հույնակր է՝ «եվ սկսեցին ուտել» լատինացի թարգմանիչի փոփոխությունը՝ «և ինքն էլ լավ խմում էր»³⁰։ Թուրքերի լեզվով խոսելու համար լեզվաբանները հաճախում են օգտագործել «և ինքն էլ լավ կոնսերվացել»³¹, մինչդեռ Սայաթ-Նովան հարեցողի մեկը չէր և Լուսինի հետ խմել է միանգամայն չափավոր՝ չորացած թուրքական խմիչիկով։ «[պատից] իջեցրեց չոնգուրը» կամ «[պատից] վեր առավ չոնգուրը» (չոնգուր) համարում են սկսեց նվազել։ Պարզ գրված է չոնգուրը (հոնգուր), մինչդեռ Լ. Մելիքսեթ-բեկը թարգմանում է՝ «վեր բերեց սաղը»³² և միայն փակագծում դնում («չոնգուրը»)։ Այստեղից էլ Պ. Հակոբյանը անում է իր հերթական եղբայրացությունը. «Միջանկյալ նկատենք, որ Սայաթ-Նովան, իր իսկ վկայությամբ, սովորել ու նվագում էր՝ «քամանչեն, ու չոնգուրն, ու տամբուրեն»։ Բայց ոչ սաղ, և, բացի դրանից, սաղի կամ չոնգուրի հայտնությունը հայոց վանքում խիստ կասկածելի է, բայց առաջ գնանք» (էջ 222)։ Ու առաջ է գնում, խոսք բաց անելով այս անգամ ավելի լուրջ խնդրի վրա. «Այնուհետև «Կալմաստարոյի» հեղինակը մեջ է բերում երգը՝ իբր թե Սայաթ-Նովայի ասած, որ իրականում երգի համար երբեք չի կարելի ասել «իբր թե Սայաթ-Նովայի ասած», դա վիրավորանք է գրական այդ խոշոր հուշարձանի և մանավանդ նրա հեղինակի հասցեին։ Փոխանակ շնորհակալ լինելու, որ վրացի վանականը առիթը բաց չի թողել, գրի առել ու մեզ է հասցրել մեր մեծ աշուղի շատ ուշագրավ երգերից մեկը, Պ. Հակոբյանը առանց հիմնավոր պատճառաբանության կասկածի տակ է դնում պատմական իրողությունը։

Ո՞վ կարող էր և հասնուն ինչի՞ պետք է նստեր ու, Սայաթ-Նովայի փոխարեն, նրա կյանքի անցած ուղին ու ներկա վիճակը այնքան վառ գույներով պատկերող այս անդուգական երգը հորինելու Այն դեպքում մենք գործ պիտի ունենայինք մի նոր Սայաթ-Նովայի հետ։ Իսկ մի ուրիշ Սայաթ-Նովա կարծես չկա։ Խոսելով այդ նույն երգի մասին, Մ. Հասրաթյանը գրում է. «Սա գրված է անշուշտ Հաղբատում, երբ արդեն կինը մեռել էր (1768) և որոշ ժամանակից հետո կարգվելով վարդապետ, Զաքարյանի Կախի ավանից... փոխադրում են Հաղբատի նշանավոր վանքը։ Այստեղ գրվելով են անցյալում բուռն կյանք ունեցած երգչի լավ օրերի հիշողությունները և գրելու ժամանակի մռայլ վիճակի ողբը, գրված հեռվից («հիմա այնտեղ...»), առանց կրքի, առանց անմիջական բողոքի»³²։

Իմ խիղճ գրվելու, քիզիդ էս ինչ պատահից,

Վախի աշխարհում ծաղր ու տրեղալ քի պատից.

Ընդ որ փախար, էնթի բախտըտ սոթ տրվից

Վերջումն էլ տի՛ս, թե վո՞նց քեզուվաթ էլար³³,

Դե էլ յիս ո՞ւմ միդ դընիմ, ինչի՞ց էլավ.

էս ամենըն հենց իմ էս խի՛լքից էլավ...

29 Պ. Մ. Մուրադյան, Սայաթ-Նովան բոլոր վրացական աղբյուրների, Երևան, 1963, էջ 93։

30 Լ. Մելիքսեթ-բեկ, Վրաց աղբյուրները Հայաստանի և հայերի մասին, հատ. Գ, Երևան, 1955, էջ 246։

31 Սույն տեղում։

32 «Սայաթ-Նովա», էջ 263—264։

33 Մեզ թվում է, թե երգի առաջին տան վերջին բառը «էլավ» պետք է լինի։

Այս երգի մասին Պ. Հակոբյանն ասում է, թե «իրականում երկու հակասական տարբերակ ունի: Ինչո՞ւ են այդ տարբերակները հակասական, չի հասկացվում: Իհարժեք պարզապես տարբերակներ են, որոնց «համադրումից» Մ. Հասրաթյանն ստեղծել է երգի ամբողջական տեքստը:

Գալով Խոանեի և Սայաթ-Նովայի դրույցին, ուր դարձյալ անսովոր բաներ է տեսնում Հակոբյանը, ասյա ալստեղ էլ՝ բացի նրանից, որ Խոանեն առհասարակ փոքր-ինչ անմիջական ու ինքնավստահ անձ է, անսովոր ոչինչ չկա: Ոչ միայն Սայաթ-Նովայի, նախորդ օրը նա նույնիսկ իշխան Սողոմոն Արղության-Երկայնաբազուկի հետ պրուցում էր նույնքան հանդուգն: Ահավասիկ մի դրվագ այդ դրույցից.

«Խոանեն — Ուլքե՞ր են ձեր ընկերներն ու օգնականները:

Սողոմոն — Սարդարը, մեղիքը, ամիսխավարին...

Խոանեն — Զուռնա-նաղարայից զատ՝ ձեզ էլ ոչինչ չի պակասում:

Սողոմոն — Վերավորո՞ւմ ես այդ խոսքով արդյոք:

Խոանեն — Ո՛չ:

Սողոմոն — Հապա ինչպե՞ս ես դատում:

Խոանեն — Մի օր այլևս տերեր չեն լինի և բշ էլ դուք կլինեք... Դուք այստեղի հանքերի մինքաշ եք ու վերահսկող. գիտե՞ք, արդյոք, այս հանքերի արհեստը...

Սողոմոն — Ընդհանրա՞պես չեմ, որ գիտենամ:

Խոանեն — Վա՛յ իմ գլխին, դատարկ անուն ես ունեցել...» և այլն:

Այդպիսին է և հանդիպումը բանաստեղծ Պետրե Լարաձեի հետ:

Նույնն է և Սայաթ-Նովայի հատվածում: Երբ նա ավարտում է երգը, Խոանեն խիստ ցավ է զգում, որ այսպիսի մարդուն վանք են նետել: Ասում է. «Հայր, կուսակրոն եք, ձախ չգնաք», վարդապետը թե՛ «երբ քո հասակին էի, սովորաբար և ձախ էի հակվում, և այժմ»:

Խոանեն — Վա՛յ ինձ. դուս համար եք ողբում:

Վարդապետ — Դրա համար էլ եմ ողբում, քեզ համար էլ, որ այդպես երիտասարդ, հոգևորական ես ձեռնադրվել³⁴:

Ինչպե՞ս: Կարելի է տեսնել, այս դրույցի մեջ ոչինչ անպատշաճ չէ: Քսանքսանհինգամյա Խոանեն Սայաթ-Նովայի հետ խոսում է մեծ հարգանքով՝ հոգնակի, իսկ Սայաթ-Նովան, որպես կանոն, նրան պատասխանում է եղակի: Բնավ չի զգացվում, թե «...նա զգաստություն է կոչում Սայաթ-Նովային...» (էջ 223), կամ՝ «փոքր անց կրկին խրատում» (էջ 223), ինչպես չափազանցում է Պ. Հակոբյանը:

Ծիշտ է, Սայաթ-Նովան վարդապետ էր, իսկ Խոանեն ընդամենը սարկավազ, բայց ով է ասել, թե սարկավազն իրավունք չպետք է վերապահեր իրեն ազատորեն դրույցելու վարդապետի հետ: Սարկավազ էլ կա, սարկավազ էլ: Սարկավազ էր նաև միջնադարի մեր ամենախոշոր մտածողներից մեկը, հենց Հաղբատում թաղված Հովհաննես Իմաստասերը: Սարկավազներ էին նաև Սեսրոպ Թաղիադյանը, նշանավոր բանասեր Գալուստ Տեր-Մկրտչյանը, իսկ հաշատուր Աբովյանը նույնիսկ կիսասարկավազ էր և Մ. Նալբանդյանն էլ՝ դպիր:

³⁴ Царевич Иоани, Калмасоба, Тбилиси, 1915, էջ 111—114.

Ինչպե՞ս չուկար է կարծել, որ 20—25-ամյա ինկաշվիլին էլ մի այդպիսի ուսյալ երիտասարդ էր, որ հետագայում ավարտում է Պետերբուրգի՝ Ալեքսանդր Նևսկու անվան ակադեմիան։ Այլապես նրան չէին էլ վստահի եկեղեցական հարկերի գանձման պատասխանատու աշխատանքը՝ Կալմասունքը։ Եվ եթե «Կալմասունքայում» զգուցվում է պատշաճության ու հարգալից վերաբերմունքի պակաս այս կամ այն դորձի հանդեպ, ապա դա պետք է բացատրել երկի ժանրով։ Գիտական և ճանաչողական վիթխարի արժեքի հետ միասին, «Կալմասունքան» որի իսկական վերնագիրը, ի միջի այլոց, ոչ թե «Կալմասունք» է, այլ՝ *Խումարսթավա Խոմարսթաջլա* (այս վերնագրով է հրատարակել «Կալմասունքան» նրա առաջին հրատարակիչ Դմիտրե Բաբրաձեն՝ 1863 թ., որ հայերեն կարելի է թարգմանել մոտավորապես այս կերպ՝ ուսուցում կատարող), գրված է որոշ անհոգ ու զվարճալի ոճով։ Իրանե ինկաշվիլուն արքայադնը երբեմն ծանր կացության մեջ է դնում՝ անականկալ վիճակներ ստեղծելով նրա շուրջ։ Իրանե ինկաշվիլին եղբուր գրած մի նամակում մինչև իսկ դժգոհություն է հայտնել իր հետ այդպես վարվելու համար։ Գալով ժամանակագրությանը, արդեն նշել ենք, որ արքայազնը այս հարցում ևս առաջնորդվել է գեղարվեստական սկզբունքներով։ «Կալմասունքայում» հավաստի թիվ ու ժամանակագրություն չկա, թեև այն գրված է օրագրի ձևով, բայց այդ օրերը ևս ստույգ ժամանակագրություն չունեն։ Կհանդիպեք՝ օր տասներորդ՝ ծնածո կամ պարզապես հաջորդ օր՝ լոջ Ծեմեդեմ։ Այստեղից էլ Իրանե ինկաշվիլու և Սայաթ-Նովայի հանդիպման ժամանակվա անձնությունը։ Սողոմոն Արղությանի հետ դրուցելիս Իրանեն ակնարկում է, որ Հերակլը (մահ. 1798 թ.) իր ժամանակին բավական բարյացակամ էր Արղությանների հանդեպ, ինչպես այժմ Գևորգի XII-ը (1798—1801)։ Ստացվում է այնպես, որ կարծես զրույցը տեղի է ունեցել Հերակլի մահվանից հետո, Գևորգի թագավորի օրոք, եւ հետեւապես Սայաթ-Նովան կենդանի է եղել 1795 թ. հետո։ Այս անախրոնիզմի հիմքում ընկած պետք է լինի կամ Սայաթ-Նովայի մահվան վերաբերյալ գոյություն ունեցող վրացական վարկածը (Պլատոն Իոսելիանու կարծիքով Սայաթ-Նովան մահացել է 1801 թ.) և կամ ժամանակագրության հանդեպ հեղինակի ցուցաբերած բմահաճ վերաբերմունքը։

Թերևս «Կալմասունքայի» հեղինակը գիտակցաբար է փոխել ժամանակները՝ հավաստելու համար, ասենք, վրացական վարկածը և կամ տարիներ հետո հիշողությունն է դավաճանել։ Կարող էր այստեղ դիտավորությունն էլ տեղ գտնել, ինչպես այդ «պատահել է» իր մեծ նախորդի՝ Արշիլ Բագրատիոնի հետ, որը իր՝ «Թեյմուրադի և Ռուսթավելու վեճը» (ჯაბაბაშვილი თეიმურაზისა და რუსთაველისა) պոեմում Թուսթավելուն պեկել է իր ժամանակաշրջանից և բերել XVII դար։ «Կալմասունքան» այս տեսակետից այնքան էլ չի զանազանվում «Արշիլիանից»։ Ծիշտ է, «Արշիլիանին» կիսապատմական, բայց գրեթե լիովին գեղարվեստական ստեղծագործություն է, իսկ «Կալմասունքան» գրեթե պատմական և փոքր-ինչ գեղարվեստական, բայց բոլոր դեպքերում էլ մենք գործ ունենք հեղինակների անկաշկանդ ստեղծագործական գործունեության հետ, որով ընդգծվել է խզումը գեղարվեստական և պատմական ճշմարտության միջև։

Ինչպես ինկաշվիլու և Սայաթ-Նովայի զրույցի, այնպես էլ վերջինիս կատարած երգի բովանդակությունը կասկած չեն թողնում, որ երևույթը մտացածին չէ, իսկ Սանահինի և Հաղբատավանքի վերաբերյալ ինկաշվիլու վկայած

մանրամասները (վանքի 40 խորան-աղոթարանների մասին), որի վրա առաջինը ուշադրություն է հրավիրել պրոֆ. Լ. Մելիքսեթ-բեկը, զորավոր ապացույց են վրաց սարկավազի այդ վայրերում եղած լինելու աներկբայության:

Այսպիսով, որևէ հիմք չկա ժխտելու Սայաթ-Նովայի կյանքի հաղթանակի շրջանը, որ հայտնի է մեզ նրա կյանքով ու կենսագրությամբ զբաղվող բանասերների, հայկական ժողովրդական ավանդությունների և հայերեն ու օտար բաղմամբով և բաղմապիսի ազդյունների վկայություններից:

ОБ АХПАТСКОМ ПЕРИОДЕ ЖИЗНИ САЯТ-НОВЫ

Ш. С. ГРИГОРЯН

(Р е з ю м е)

Существует мнение о том, что Саят-Нова последние 25 лет своей жизни провел в Ахпатском монастыре, причем принято считать, что ахпатский период его жизни является весьма вероятным предположением.

Несмотря на это давно утвердившееся убеждение, доктор филологических наук П. Акопян на основании якобы достоверных данных утверждает, что Ахпатский монастырь с 1749 по 1799 гг. (за исключением 1778—1784 гг.) из-за постоянных нашествий турок и лезгин фактически не функционировал, а духовенство и окрестное население было вынуждено покинуть свои очаги. Он считает, что если даже допустить, что Саят-Нова был служителем монастыря, то это могло иметь место только в период с 1778 по 1784 гг., после чего поэт вновь вернулся в Тифлис, где и жил до своей трагической гибели. П. Акопян ставит под сомнение также свидетельства выдающегося памятника грузинской литературы «Калмасоба», обнаруживая в ней «явные анахронизмы»; по его мнению, не внушает доверия, в частности, встреча Саят-Новы с молодым грузинским священником Хелашвили (см. «Историко-филологический журнал», 1969, № 3).

На основании анализа ряда историко-литературных и архивных материалов автор оспаривает справедливость взглядов П. Акопяна относительно ахпатского периода жизни Саят-Новы.